



~~72452~~

Yg 7112 R



x





Zysch Zucht.

Die in dyssem biech-
lein findest du kler-
lich wie man die
kind soll lernen
schöne Tisch
zucht.

Ex
Biblioth. Regia
Berolinensi.

Merck die tysz zucht

Wann du zu tische wollest gan
Deine hende solt du vor gewaschen han
Vnd schneid die negel ob den henden
Dass sy dich nit werden schenden
An deinem tisch byß mit vnd fro
An frembden ort thu nit also
Vnd syz wo dich der wirt hyn schaff
Das benedicite soll sprechen ain pfaff
Wer aber des nit künde oder wäst
So ist das pater noster das bäst
Vnd bit got mit sinnderm fleysß
Das er dir gefegen das trinck vnd die speysß
Wann vnmäßigait wirt an manchem geröchen
Als herz freydanck hat gesprochen
Es essen taujent ee den todt
Ee amer stirbt des hungers not
Es ist auch die trinckenhait selten so freys
Es sey schand/sündt vnnnd schad dabey
Vnns ist not der gottes güte
Das er vns mit seinen gnaden behüt
Nym auch war das kain vn sauber ding
Klab an deines missers kling
Vnd wenn du brot wilt schneiden
Differ vnzucht solt du auch meiden
Setz es vorn nit an dir buß
Nach der alten weiber geluß
Läg auff die klingen dein synger nicht
Als offt dir schneidens not beichide
Du solt dich auch nicht vergessen
Das du der erst seyest in das essen
Wo du sygest ob ainem tisch
Wann es stöndt gar leppisch

Du solt auch nicht für dich greiffen
Dein heinndt für kain andern schleiffen
An ains anndern ort oder mitten
Nach der groben pawen sytten
Wann ir ayer dann essen wolt
Leir sy eingenezt oder schält
Schneid ee das brot darzu mit wiggen
Mit dem munde solt du es nit spizgen
Greiff in die ayer mit dem finnger nit
Als man von den jungen kynnden sieht
Die ayerschaln wider in die schüssel leg
Wurff sy von dir nit in den weg
Auch wer senff vnnnd salzen ysser geren
Der soll differ vnzucht auch entperen
Das er nit soß sein finnger darein
Darvor söller ir wol behütet seyn
Raych auch niemandt salz mit blosser handt
An solche zucht byß auch gemant
Was du in den munde wilt schieben
Das solt du vor brechen oder fliebers
Wann was auß dem munde gat
Das man vor besayffert hat
Das ist alles vnngeam
Vnnnd den leuten gar widerzem
Jucken vnd fragen auch niemant soll
Ob dem tisch/es stadt nit wol
Wil lachen vnnnd schwezen ist auch nit güte
Wo man es zu tisch thut
Du solt deinen munde mit massen
Oben in das trinckgeschirz lassen
Wer essen in dem munde hat
Der trinck dieweil nit/das ist mein rade
Als ain pferd über ain byß thut
Reden vnnnd essen ich auch nit güte

Wer roget odert schneytzt als man essen soll
In das tischtrich/es stadt nit wol
Als ferz ich es besynnen kan
Sich hit darvor ain yederman
Das er sölicher vnzucht nit vil pfleg
Sein elenbogen nit auff den tisch leg
Es stedt nit wol/wann es beschicht
Ob dem tisch läen dich an den rüch nicht
Steur dich nicht auff den elenbogen
Sitze auffrecht vnnnd nit geschmogen
Schneitz dich nit mit blosser handt
Nym ee für dich dein selbs gewandt
Wilt du volgen differ leere mein
Der erst solt du nit in das essen sein
Aber salbander magst du wol greiffen ein
Wo der leut vil vmb ainen tisch seind
Vnnnd salbander niemant trincken sol
Mit ainem löffel/es stedt nit wol
Nym auch auff den löffel nit zünit
Vnnnd halt yn hoflich bey dem stil
Vnnnd bring yn gar schön auß dem munde
Damit leg yn gar für dich zu stundt
Vnnnd greiff nach kainem andern mer
Biß dir dein munde sey worden leer
Du solt auch nit betreuffen dein selbs gewandt
Wann es ist dir ain grosse schandt
Beklaib dich auch nit vmb den munde
Oder du wirfst zügleich ainem hundt
Den man nennet wysch den part
Des müß du dich dann schamen hart
Du solt auch nit für dich legen das best
So bey dir sitzen frembde gest
Embeit den andern damit zucht vnnnd eer
Das ist des weysen mannes leere

Das man also halt zucht vñnd scham
Ain fraw ist gar ain edler nam
Den man pillichen eere thüt
Durch Marien der iunckfrawen güte
Das du nit arges thüest von yn sagen
Wilt du den weisen wol behagen
Das wöllen wir also lassen bleiben
Vñnd von der tisch zucht meer schreiben
Welcher sich über die schüssel habet
Vñnd darzu erdischen inn sich schnabtet
Mit dem munde/als ain eberschwein
Der soll billich bey andern schweinen seyn
Wer auch schnarwet als ain dachs
Vñnd schwunzelt als ain wasser lachs
Der selbig seiner zucht gar vergiffet
Wo er bey anndern leiten sytzer
Es beissen auch erlich ab den schnitten
Nach der groben pawrn sytten
Vñnd stossent es wider in die schüssel
Vñnd schmalzigen yre fynger vñnd drück
Die haben billich annder leut fluch
Wann sy seind gröber dann sack rüch
Elich seinnd auch so frässig zwar
Vñnd haben irs munde nit eben war
Vñnd beyssen sich selber in die hande
Sölich gezygkair ist auch ain schande
Ich weiß auch das es übel stadt
Wer an ainem bayn genaget hat
Vñnd es widerumb in die schüssel thüt
Das nemen die anndern nit vergüt
Wisch auch dein munde ee du thüest trincken
Das der wein dauon nit gewynn faist zincken
Die schweben dann in dem trinckgeschir: oben
Für war es mag das nyemandt geloben

Vñnd wann dein gesell trincken soll
Ysse dieweil nit/das stede wol
Vñnd wenn man also gessen hatt
Ee man dann von dem tisch auff statt
Trinck ain yeder vor sant Johans seggen
Das er sein alzeit thüt pflegen
Vñnd laß damit also beleiben
Sein zungen nit in dem munde vñndscheiben
Als ob er sich allererst sein speys
Wann es wer gar ain grosse vñnweys
Es füllen auch erlicher sein sack
Das daren nit meer magt
Der ist ain gauch in allen meinen symmen
Im möcht wol etwas entrinnen
Entweder vñnden vñnd oben
Das thün die weysen nit loben
Wann es ist schamper vñnd vñnrayn
Man versteet wol was ich main
Vñnd wann du von dem tisch wilt auff ston
Ain pater noster solt du vor gesprochen hon
Vñnd danck Got dem herzen seiner gnaden
Das er vns alzeit behüt vor schaden
Wann wer got dient/vñnd danckbar ist
Den selbigen verläst er zu kainer frist
Vñnd tait sein gnad mit vns hie auff erden
Das wir nymmer von ym geschaiden werden.

Hiefabñ wir ain anderts an

Wie die jungen knaben vor tisch sollen stan
Sy sollen ye hendt sch ön vor yn haben
Vñnd ir gesicht nit hyn vñnd her thünd iagen
Als ain hundt thüt wider vñnd für
Zu dem fenster auß vñnd hynder der thür

Sy sollen stadelich nemen war
Vnnd mit den augen sehen dar
Auff dem tisch was da sey nor
Saltz/teller/löffel/vnnd auch brot
Die trunckgeschir gewaschen zu dem wein
Darzu sollen sy gar fleissig sein
Vnnd wann sein ainer nit thüt
Den soll man streichen mit ainer rit
Damit macht man sy behende
Wo man sy dann außsendt
Es sey nach wein brott oder byer
Das er erwidert kumb schier
Vnnd wenn man ainem ruffet oder schrey
Das er als pald da sey
Vnd merck was man mit ym thüt schaffen
Das soll geschehen on wider klaffen
Also soll man sy in der iugent
Zuehent auff eer/zucht/vnd tugent
Vnnd nit knaben vnnd büben allain
Sunder die töchterlein ich auch main
Die allzeit wollen schwärzen
Als die bösen taschen vnnd hägen
Vnnd lassen niemandt gehörien auß
Sy solten stil schweigen als ain maus
Auch main ich die juncfrawelein
Die sollen nit zuvil schärzig sein
Sy sollen munde vnd augen haben in hüt
Wann reden vnnd sehen yn offtschaden thüt
Eeman es von yn solt leyden
Man solt yn ee die zungen auß schneiden
Oder sy streichen mit ainem bircken reiß
Das sy nit gewonten solcher weis
Sy sollen auch nit reden zu allen sachen
Damit sy krieg vnnd vnfrid machen

Ir aims on noctorfft nit reden soll
Oder sey vngefragt das steet wol
Man soll sy ziehen auff ware wort
Das ist der aller höchsten hort
Man soll sy straffen mit i bel vnnd güte
Das sy vor lügen werden behüt
Wann wer mit verdachtem müte leiget
Der selbig manlich mensch betreüget
Im mag auch niemandt vertrauwen
Es seyen man oder frauwen
Darvor hüten sich die alten/vnnd die iunngen
Es ist vnrayn/vmb verlogen zungen
Hyerumb soll man es bey zeiten weren
Vnnd sy darumb mit benngeln beren
On das waisich nichts das straflich sey
Wann welchs mensch gewont leckerey
In der iugent/der wirt ain schlauch
Sy fressen hämlich in der mauch
Was yn die winckel mügen bringgen
Es sey an müs/birn/oder andern dingen
In die demel vnnd in die büben
Wert das weert/der thüt almüset
Wann auß so gethonen lecker vnnd leckerin
Werden auch eytel büben vnnd bübin
Es werden auch dieb vnnd diebin dar auß
Das nichts sichers ist vor yn/im hauß
Darumb soll man schlagen vnnd bären
Vnnd es mit grossen strachen weren
Das soll man thun on alles ablassen
Byß sy sich solcher vnrcugent massen
Ain güter baum/tregt güte frucht
Des menschen adel ist tügent vnnd zucht
Die zucht ist edel vnnd auch güte
So ym ain mensch selber thüt


Wer vnuernunfftig ist vnd höre
Vnd will nicht in ain recht geferde
Den muß man schelten vnd straffen
Vnd darzu bey dem har rauffen
Womant kyndt on forcht laste wachssen
Die werden wilde vnd vngelachssen
Von weysen leuten gar vnwerdt
Das yr fürbas nyemandt begerdt
Hierumb sol man sy halten in forcht vnd sorgen
Bayde den abent als den morgen
Das ist mein radt vnd mein leer
Wann wer on sorg ist der ist on ere
Liebendt kyndt oß besserent eich bey
Als lieb eich zucht vnd eere sey
Vnd fürchten got vor allen dingen
So mag eich nit misselungen
Damit hat diß büchlein ain ende
Got der almächtig vns sein gnade sende


Von dem hauszgesindt


Ir hauszmayd vnd ir knecht
Wercket eiuwer ampt vnd regel rechte
Dein arbit spat vnd frö bedenck
Wasch das hantfaß/keer tisch vnd benck
Teller/löffel/stül/vnd gedrenck
An saltz/brot/tischruch/vmbleg gedenc
Sich vmb/behend du lauff
Vnd trags zum tisch bey zeit auff
Krausen/glöser/bäcker/ end vnd weyt
Nach lust außschwenck zu rechter zeit
Dein hende vor dem tisch hab rechte für die
Vnd schenck nit wein ein für bier
Schicke man dich kumm wider trar
Vnd sag was man geantwurt hat

Vnd raum auff schön nach dem essen
Vnd schaw sey darynn vnuergessen
Auch sich auff das man nicht verzuct
So bleibt dir vngebeert dein ruck
[Secht wo der sun für den vatter geet
Vnd der lay on den priester zum alter stet
Vnd der knecht sich über den herren setz
Vnd der pawr für den edelman das wiltprathers
Vnd die henn treet für den han
Vnd die frauw redt für den man
So soll man den sun straffen auff der matten
Vnd sol dem layen scheren ain narren platten]
Vnd soll den knecht hinder die thür stellen
Vnd soll dem pawrn ain kwi darnider fellen
Vnd soll din hennen an ain spieß tagen
Vnd soll die frauw mit ainem aichen vengel schlagen
So hat man yn allen iren rechten lon geben
Wann got der hasset ain vnordenlichs leben
[Secht wo der vatter fürcht das kinde
Vnd leßt sich führen denn ee er wirt blinde
Vnd der wirt im hausz geschayert geet
So er wol übel vnd güte versteet
Vnd den herren daingt vnd yrzt den knecht
Vnd den bösen eert vnd den frommen versinacht
Vnd die priester/spielen/flüchen vnd schweren
Das yns die layen müssen wären
Vnd der hert arbaiter lang fast auff den tag
Vnd der müßig genger frö fulc sein sack
Vnd der pawr streit vnd der ritter fleucht
Vnd der arm war sagt vnd der reich leugt
Ist dem klaid das hind nit herfür gekert
So hat mich dß schneid das hantwerck nit rechte gelert

Faint, illegible text, likely bleed-through from the reverse side of the page. The text is arranged in approximately 20 horizontal lines.







Herbarium Musaei Historico-Naturalis Vindobonensis

Litt. germ.

in u. l. d. an. fu. re. w. d. k. x. pu. k. u. o. 13. n. e. fo. u.

